

Utval: Fylkesutvalet
Møtestad: Bull i underetasjen, Grand hotel Terminus, ekstra møte
Dato: 04.10.2016
Tidspunkt: 09.00-10.05

Følgjande faste medlemmer møte:

Namn	Funksjon	Parti	Merknad
Anne Gine Hestetun	Fylkesordførar	A	
Roald Kvamme	Medlem	A	
Kari Sørensen Bernardini	Medlem	A	
Mari Klokkestuen Kjellesvik	Medlem	A	
Helge Nævdal	Medlem	A	
Mona Røsvik Strømme	Medlem	H	
Silja Ekeland Bjørkly	Medlem	H	
Nils Marton Aadland	Medlem	H	
Terje Søviknes	Medlem	Frp	
Silje Hjemdal	Medlem	Frp	
Pål Kårbø	Fylkesvaraordførar	KrF	
Benthe Bondhus	Medlem	Sp	
Aud Karin Oen	Medlem	SV	
Tom Sverre Tomren	Medlem	MDG	
Anne-Beth Njærheim	Medlem	V	

Frå administrasjonen møte:

Namn	Stilling
Rune Haugsdal	Fylkesrådmann
Ingrid Kristine Holm Svendsen	Fylkesdirektør økonomi og organisasjon
Svein Heggheim	Fylkesdirektør opplæring
Håkon Rasmussen	Fylkesdirektør samferdsel
Janne Værnø	Kommunikasjonsdirektør
Bertil Søfteland	Leiar fylkessekretariatet
Sigrid Helene Aardal	Seniorrådgjevar fylkessekretariatet
Anita Fjellheim	Spesialkonsulent fylkessekretariatet
Gro Stien Thorvaldsen	Seniorrådgjevar fylkessekretariatet

Gro Stien Thorvaldsen
sekretær

Sakliste

Utvals- saknr	Innhald	Arkiv- saknr	U.Off.
PS 233/16	Godkjenning møteinnkalling		
PS 234/16	Godkjenning møtebok førre møte		
PS 235/16	Referatsaker (meldingar)		
RS 147/16	Konsekvensar av politiske framlegg – rullering av Skulebruksplanen	2016/4130	
RS 148/16	Flytting av fagtilbod innan maritime- og petroleumsfag frå Bergen maritime vgs til Laksevåg vgs	2016/4130	
PS 236/16	Regionreforma - intensjonsplan for etablering av Vestlandsregion	2015/1434	
PS 237/16	Ymse		

PS 233/16 Godkjenning møteinnkalling

Saksprotokoll i fylkesutvalet - 04.10.2016

RS 147/16 og RS 148/16 vart ettersendt på ePolitiker 04.10.2016.

Vedtak

Innkallinga vart godkjend utan merknader.

Saklista vart godkjend utan merknader.

PS 234/16 Godkjenning møtebok førre møte

Saksprotokoll i fylkesutvalet - 04.10.2016

Vedtak

Møteprotokollen frå fylkesutvalet 21.-22.09.2016 vart godkjend utan merknader.

PS 235/16 Referatsaker (meldingar)

Saksprotokoll i fylkesutvalet - 04.10.2016

Vedtak

RS 147 og 148/16 vart refererte.

PS 236/16 Regionreforma - intensjonsplan for etablering av Vestlandsregion

Forslag til innstilling

1. Fylkestinget ser på forhandlingsresultatet i intensjonsplanen for samanslåing av Rogaland, Hordaland og Sogn og Fjordane fylkeskommunar som eit godt utgangspunkt for endeleg handsaming av etablering av Vestlandsregionen på fylkestinget i desember 2016.
2. Fylkestinget legg intensjonsplanen for samanslåing av Rogaland, Hordaland og Sogn og Fjordane fylkeskommunar ut på offentleg høyring fram mot fylkestinget i desember 2016. Som ein del av høyringsgrunnlaget blir fylkesrådmannen bedt om å utarbeide ein samla rapport av felles utgreiingsarbeid som vart lagt til grunn for forhandlingane om intensjonsplanen.
3. Dersom dei andre fylkeskommunane gjennom vedtak på fylkestinga i oktober, ikkje godkjenner intensjonsplanen og forhandlingsresultatet som grunnlag for endeleg handsaming av etablering av ein Vestlandsregion på fylkestinga i desember, får forhandlingsutvalet fullmakt til å starte ein ny dialog med enten Rogaland fylkeskommune eller Sogn og Fjordane der det vert vurdert andre moglege nye regionløyisingar.

Saksprotokoll i fylkesutvalet - 04.10.2016

Aud Karin Oen (SV) sette fram slikt forslag:

«Nytt forslag: Punkt 4:
Fylkestinget ønskjer at nynorsk skal vere administrasjonsspråk i ein eventuell ny Vestlandsregion.

Aud Karin Oen (SV) sette fram slik protokollmerknad:

«-SV ønskjer å sende intensjonsavtalen på høring, men vil signalisere motstand mot "Hovudmål 4: Strategisk infrastrukturbygging. Delmål

Første kulepunkt, andre setning: Auka samhandling og utvida bu- og arbeidsmarknadsregionar skapar sjølvgenererande vekst- og utvikling. Realisering av opprusta og ferjefri E39 vil vere ein viktig faktor for å utvikle Vestlandet som nasjonal vekstregion." og vil heller jobba for å gjere Vestlandet miljøvennleg og bærekraftig.

-Ein ny region må få tilført betydelege oppgåver. T.d. helseføretaka og høgskulane.»

Pål Kårbø (KrF) sette på vegner av A, Sp, H, Frp, MDG, V og KrF fram slikt forslag (a):

«Alternativ til rådmannen sitt forslag punkt 3:

3. Dersom dei andre fylkeskommunane gjennom sine vedtak ikkje godkjenner intensjonsplanen og forhandlingsresultatet, som grunnlag for endeleg handsaming av etablering av ein Vestlandsregion, får styringsgruppa fullmakt til å avklare om forhandlingsutvalet skal starte ein ny dialog med den av fylkeskommunane som seier ja, for å vurdere andre moglege nye regionløyisingar.»

Pål Kårbø (KrF) sette på vegner av A, Sp, H, MDG og KrF fram slikt forslag (b):

Nytt punkt 4:
«Spørsmålet om kva administrasjonsspråk det nye Vestlandsfylket skal ha, blir ein del av høyringsprosessen og vil bli avgjort av fylkestinget i dei tre fylkeskommunane etter at alle høyringsinstansane har fått uttalt seg.»

Benthe Bondhus (Sp) sette fram slikt forslag:

«Til votering i punkt 1,- ordet godt strykast på linje 2.»

Benthe Bondhus (Sp) sette fram slik protokollmerknad:

«Vilkår som må følgja saka på høyringa:

Målføre: Ein ny Vestlandsregion må byggja opp om ein Vestlandsidentitet. Som kjerneområde for nynorsk, har nynorsk ei særstilling for identiteten i regionen vår no og i framtida. Administrasjonsspråket i den nye Vestlandsregionen må difor vera nynorsk.

Oppgåver: Ein Vestlandsregion må få større og tyngre oppgåver flytta frå statleg nivå til regionalt nivå, og oppgåvene må vera avklart før ein kan fatta endeleg vedtak. Som minimum av nye oppgåver må Vestlandsregionen får overført helseforetaka og høgskuleutdanninga.

Demokrati: Valkrinsane må halda fram som i noverande tre valkrinsar, slik at ein sikrar at distrikta vert representert i regionleiing og på Stortinget.»

Røysting

Bondhus sitt forslag fekk 3 røyster (Sp, SV, MDG) og fall.

Fylkesrådmannen sitt forslag pkt.1 vart samrøystes vedteke.

Fylkesrådmannen sitt forslag pkt.2 vart samrøystes vedteke.

Fylkesrådmannen sitt forslag pkt.3 fekk ingen røyster og fall.

Kårbø sitt forslag til pkt. 3 (a) vart samrøystes vedteke.

Oen sitt forslag til nytt pkt. 4 fekk 3 røyster (SV, V, MDG) og fall.

Kårbø sitt forslag til pkt. 4 (b) fekk 11 røyster (A, Sp, Krf, MDG, H) og vart vedteke.

Innstilling til fylkestinget

1. Fylkestinget ser på forhandlingsresultatet i intensjonsplanen for samanslåing av Rogaland, Hordaland og Sogn og Fjordane fylkeskommunar som eit godt utgangspunkt for endeleg handsaming av etablering av Vestlandsregionen på fylkestinget i desember 2016.
2. Fylkestinget legg intensjonsplanen for samanslåing av Rogaland, Hordaland og Sogn og Fjordane fylkeskommunar ut på offentleg høyring fram mot fylkestinget i desember 2016. Som ein del av høyringsgrunnlaget blir fylkesrådmannen bedt om å utarbeide ein samla rapport av felles utgreiingsarbeid som vart lagt til grunn for forhandlingane om intensjonsplanen.
3. Dersom dei andre fylkeskommunane gjennom sine vedtak ikkje godkjenner intensjonsplanen og forhandlingsresultatet, som grunnlag for endeleg handsaming av etablering av ein Vestlandsregion, får styringsgruppa fullmakt til å avklare om forhandlingsutvalet skal starte ein ny dialog med den av fylkeskommunane som seier ja, for å vurdere andre moglege nye regionløyseringar.
4. Spørsmålet om kva administrasjonsspråk det nye Vestlandsfylket skal ha, blir ein del av høyringsprosessen og vil bli avgjort av fylkestinget i dei tre fylkeskommunane etter at alle høyringsinstansane har fått uttalt seg.

Protokollmerknad frå SV

SV ønskjer å sende intensjonsavtalen på høring, men vil signalisere motstand mot "Hovudmål 4: Strategisk infrastrukturbygging. Delmål

Første kulepunkt, andre setning: Auka samhandling og utvida bu- og arbeidsmarknadsregionar skapar sjølvgenererande vekst- og utvikling. Realisering av opprusta og ferjefri E39 vil vere ein viktig faktor for å utvikle Vestlandet som nasjonal vekstregion." og vil heller jobba for å gjere Vestlandet miljøvennleg og bærekraftig.»

Første kulepunkt, andre setning: Auka samhandling og utvida bu- og arbeidsmarknadsregionar skapar sjølvgenererande vekst- og utvikling. Realisering av opprusta og ferjefri E39 vil vere ein viktig faktor for å utvikle Vestlandet som nasjonal vekstregion." og vil heller jobba for å gjere Vestlandet miljøvennleg og bærekraftig.»

Protokollmerknad frå Sp

«Vilkår som må følgja saka på høyringa:

Målføre: Ein ny Vestlandsregion må byggja opp om ein Vestlandsidentitet. Som kjerneområde for nynorsk, har nynorsk ei særstilling for identiteten i regionen vår no og i framtida. Administrasjonsspråket i den nye Vestlandsregionen må difor vera nynorsk.

Oppgåver: Ein Vestlandsregion må få større og tyngre oppgåver flytta frå statleg nivå til regionalt nivå, og oppgåvene må vera avklart før ein kan fatta endeleg vedtak. Som minimum av nye oppgåver må Vestlandsregionen får overført helseforetaka og høgskuleutdanninga.

Demokrati: Valkrinsane må halda fram som i noverande tre valkrinsar, slik at ein sikrar at distrikta vert representert i regionleiing og på Stortinget.»

PS 237/16 Ymse

Saksprotokoll i fylkesutvalet - 04.10.2016

Vedtak

Det var ingen ting under Ymse.